

許氏幼科七種

丙 橡邨痘訣上卷



乾隆癸卯新鐫

橡村痘訣

顧行堂藏板



序

醫之道難言矣而吾謂施之嬰兒尤難何也凡人致疾之由自知之而自言之則醫家之思過半嬰兒則不拉逆之以意而即試之以藥稍不對症則茫然無所措其手且



嬰兒之進藥也少，則力薄而效
六遲而為父母者之愛其子直欲
旦進藥而夕奏功也，於是求速而
難治之，而其變遂至於不可測。且
夫疾痛慘怛，未嘗不呼父母也。醫
家則恒以父母之心為心，書之言

保赤曰心誠求之雖不中不遠吾
以為醫之道如是而已同邑
橡村先生幼業儒工詩文繼而因
病改業醫與自治而兼治人也業
既精二十年来活人無算而獨善
於治嬰兒且於痘症三致意焉舉



平時聞之師說證之古考參以攷
症得之心而應於手者分門別類
手寫成書不私為枕秘將付剞
劂而問叙於予予素不知醫而其
理則有可信者自靈素而後著書
者甚衆醫之說雖殊而醫之理則

一苟執有定之方以應無窮之病
不幾草菅人命乎先生既獨為其
難更折衷至當用古而不泥於古
其誠心即古稱三折肱者殆
有過之此書一出而世之為嬰兒
者幸矣世之為嬰兒見父母者幸矣



先民有言不得為良相必為良醫
今而後吾將以山中宰相目之
是為序

乾隆四十有三年歲次戊戌暮春
月竹溪曹文植拜手



序

術不師古非善也師古而
能變通乎古此善之善也凡
事莫不然而醫為甚非明於
古人之道而心知其意不可
以言醫漢氏以道神其術者

咸著書以垂於世雖其間至
有短長而所以闡靈素之
言起膏肓之痼疾者莫不有
成効可稽卓然為後世法後
之操是術以應世之求者宜
何如其審慎也吾觀今之為

醫者於古人之書略無所見
徒以飾智駭愚為婦孺所崇
許用是其門如市日夕無虛
廣邑大都車馬相望而其入
亦遂欣々得計悍然居之而
不疑而豈知人之死於其手



者固已不可勝紀也。許君橡
邨儒而醫者，又嘗以醫為博
濟廣施之一端，爰肆志於此。
而尤長於嬰兒之科，所在全
活甚眾。因遍採古人之書，自
漢以下，無不研究，以窮其精。

激而以生平所治之病彙
之輯為一書共若干篇余
之見其曰證施治不拘一
揆之古人之成法不為苟
同不為立異要以中乎病
揆而心是誠所謂師古而
能變通

手古者也。以之應世其益也大。以之行遠其傳也長。此誠可施濟於無窮也。而豈徒為一人一時之善述也歟。乾隆辛丑孟冬月養泉金雲槐拜



自序

予年十五因病棄舉業從師程嘉予先生學醫先生名天佑字嘉予歙城東關人五世業醫工保幼之術予從學七年臨症多得其口授先生沒後予始懸壺未敢治痘治時病頗驗有疑義輒請質於黃席有先生先生名家珍字席有歙城黃家塢人自南宋至今業醫數十世老年居家以親故待予甚厚授予以持脉用藥之法庚午辛未痘症大行予始出治時惟方搏九先生眼法甚高先生名際遠字搏九績溪碣頭人世種神痘深明治痘之法與予師相友



善治痘善用人參予師深服之予因事以師禮自茲以後
臨病製方不同流俗者三先生之教也今老矣數十年之
效驗不肯湮沒刪繁就簡付之剞劂天下後世自有得予
心而爲心者可由翁氏而上追錢氏痘疹正宗端在是矣
乾隆癸卯仲春月許豫和宣治氏自序於顧行寓

序目

凡藝皆有訣醫之爲藝痘疹別爲一科安可無訣訣者受
之師證之古書叅之治驗而折衷以得之者也師之授我
以是我之治驗復以是我得之不以授人仁者固如是乎
爰錄以授來者

初熱

一二日

三四五日

六日